



Agathe Fontain
Inuit Ataqtigiit

**Inatsisartut Suleriaasianni § 36, imm. 1 naapertorlugu
tammaviuttussarsiniarluni aallaaniarnermut apeqqt pillugu
Naalackersuisunut apeqqummut akissut**

17. november 2008
J.nr: 01.08/2008_103
Postboks 269
3900 Nuuk
Oq/tel +299 34 50 00
Fax +299 32 47 04
aapip@gh.gl
www.nanoq.gl

§ 36, imm. 1 naapertorlugu apeqqt ulloq 7. november 2008-mi naalackersuisoqarfimmit tiguneqarpoq. Tammaviuttussarsiniarluni aallaaniarneq pillugu apeqqutit Naalackersuisut sinnerlugit akissavakka.

Apeqqt siulleg:

Inatsisartut ukiuunerani ataatsimiinneranni takornarianik piniartitsisarnermut tunngasoq sammeneqarmat apeqqutit akineqanngitsut arlallit saqqummerput. Aalisarnermut, Piniarnermut Nunalerinermullu naalackersuisup ilaatigut oqaaseqarnermini taavaa pineqartoq pillugu suleqatigiissitamik sulisoqartoq. Suleqatigiissitaq qasseriarluni ataatsimiippa qangalu?

Akissut:

20/6 2008-mi GTE-mi ataatsimiittoqarpoq, tassani akiliuteqarluni aallaaniarnerup ingerlanneqartarnera suliarineqarluni.

Ajuusaarnartumik, sulisut taarsaannerannik peqquteqartumik, suleqatigiissitap aasap ingerlanerani sulinera ataavartuusimanngilaq. Akiliuteqarluni aallaaniarnermi aalisarnermilu suliat ingerlateqqillugit suleqatigiissitamit september 2008-mi suliarineqarlutik aallarteqqinneqarput.

UKA2008/32-p suliarineqarnera tunngavigalugu suleqatigiissitaq KNAPK, GTE, KANUKOKA, Inuussutissarsiornermut Naalackersuisoqarfimmeersunik aamma Aalisarnermut, Piniarnermut Nunalerinermullu Naalackersuisoqarfimmeersunik sinniisulik pilersinneqartoq nalunaarutigaa. Suleqatigiissitap kuunni pisuussutinik uumassusilinnik atuisinnaanermut tunniussisarnissami periarfissat

misissornissaat siullertut suliassaraa. Suleqatigiissitap suliniut taanna ulloq 11. september 2008-mi aallartippaa.

Suliniutitut aallarniutaasinnaasunut suliakkiutinik suleqatigiissitaq suliaqarpoq, akiliuteqarluni aallaaniarnermut aalisarnermut tunngasut tamaviisa sularissallugit.

Siusinnerusukkut oqaatigineqareersutut isummiussaavoq, aaqqissuussineq piniartunut pitsaanerpaamik atugassaqartitsisoq sulissutigineqassasoq. Taamaattumik suleqatigiissitami tassani ilaatigut KNAPK qanimut suleqatigineqarpoq.

Kuunni pisuussutinik uumassusilinnik atuisinnaanermut tunniussisarnissaq pillugu suliniutip allaaserineqarnera ilanngunneqarpoq – aamma ilaatigut akiliuteqarluni aallaaniarmi taamaaqataa sularineqassaaq. Suliassat ilagissavaat pisariaqalivissormat akiliuteqarluni aallaaniartitsisarnerup atuuttup siumut isigisumik nalilersorneqarnissaa, tassunga ilanngullugu ineriartortitsinissamut periarfissat sumiinersut oqaluuserineqarnissaat.

Apeqqutit aappaat:

Oqaluuserisassat allattorsimaffii, ataatsimiinnernit imaqarniliat kikkullu ataatsimiinnerni peqataasarnersut paaserusullugit tunniunneqarnissaat piumasaraara.

Akissut:

Ulloq 20. juni 2008-mi ataatsimiinnermi peqataapput Mads Daniel Skifte, Marie Fleisher (GTE), Charlotte Bülow, Kaare Winther Hansen (APNN) aamma Ole Ziemer (ISIIN). Ataatsimiinneq GTE-mi ingerlanneqarpoq. Maannakkut suleqatigiissitami ilaapput Aksel Blytman (KNAPK), Ole Ziemer (ISIIN), Mads Daniel Skifte (GTE), Kaare W. Hansen (APNA) aamma Rasmus Christensen (APNN). Taakku saniatigut KANUKOKA aggersarneqarsimavoq peqataanissaminulli periarfissaqarsimanani. Ulloq 11. aamma 29. september ataatsimiinnerit ingerlanneqarput. Ilanngussani ataatsimiigiaqqusinerit kiisalu ataatsimiinnernit imaqarniliat takusinnaavatit.

Pingaarnerusutigut anguniakkat makku malillugit suleqatigiissitaq sulivoq:

- Aalisarnermik piniarnermillu inuussutissarsiornermi annerusumik suliassaqartitsineq
- Pisuussutinik aningaasatigut pissarsiaqarneruneq
- Nungukkiartuutaanngitsumik aqutsineq
- Najukkami piginnaasat ineriartortinneqarneri takornariaqartitsinerimut atatillugu

- Najukkani inuiaqatigiit isertitaqarnissaat

Apeqqudit pingajuat:

Ataatsimiittoqaqqissappat qaqugu ataatsimiinneq tulleg pissava?

Akissut:

Maannakkut KNAPK-mi ilaasortat kiisalu GTE-mi suliaqartut tusarniaanermi akissuteqarnissaat utaqqineqarput. Taakku tiguneqariarpata suleqatigiissitaq decemberip aallartinnerani ataatsimiissapput oqaaseqaatillu tiguneqartut ilanngullugit suliarineqassallutik.

./ Ilanngussat;

- 1) 20. juni 2008-mi ataatsimiinnermit imaqarniliaq.
- 2) Ulloq 1. septemberimi ataatsimiinnissamut ataatsimiigiaqqusissut oqaluuserisassallu
- 3) Ulloq 29. septemberimi ataatsimiinnissamut ataatsimiigiaqqusissut tunngavianullu allakkiaq
- 4) Ulloq 29. septemberimi ataatsimiinnermit imaqarniliaq
- 5) GTE-mut KNAPK-mullu tusarniaanermi allakkiaq

Ikinngutinnersumik inuulluaqqusillunga

Finn Karlsen

Aalisarnermut, Piniarnermut Nunalerinermullu Naalakkersuisoq